

ერთის მხრივ შპს „საფეხბურთო კლუბი რუსთავი“ ს/კ 416319718 (შემდგომში „დამკვეთი“) წარმოდგენილი მისი დირექტორის ბადრი მაჭავარიანის სახით და მეორეს მხრივ, შპს „ფი-ქეი-ეფ ჯორჯია“ ს/კ 205198212 (შემდგომში „შემსრულებელი“) წარმოდგენილი მისი დირექტორის ალექსანდრე მარგიშვილის სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, SPA190001818 ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში – „ხელშეკრულება“) შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - დამკვეთსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს დამკვეთმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“. „კვირა“, „თვე“-კალენდარული დღე, კვირა, თვე.
- 1.4 „დამკვეთი“- ორგანიზაცია, რომელიც ახორციელებს შესყიდვას.
- 1.5 „შემსრულებელი“ - პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 შპს "საფეხბურთო კლუბი რუსთავის"-სათვის აუდიტორული და საბუღალტრო მომსახურების გაწევა (CPV 79210000)
 - 2.1.1 2018 წლის სპეციალური დანიშნულების ფინანსური ანგარიშგების აუდიტი, (დამოუკიდებელი აუდიტორის დასკვნასთან ერთად) შემდეგი ამოცანებით:
 - 2.1.1.1. საწარმოს ბალანსი 2018 წლის 31 დეკემბრის მდგომარეობით.
 - 2.1.1.2 მოგება-ზარალის ანგარიშგება
 - 2.1.1.3 ფულადი სახსრების მოძრაობის ანგარიშგება.
 - 2.1.1.4 ახალგაზრდული ფეხბურთი ხარჯების ცხრილი
 - 2.1.1.5 ფეხბურთელების საიდენტიფიკაციო ცხრილი
 - 2.1.2 ანგარიში საქართველოს ფეხბურთის ფედერაციას შპს "საფეხბურთო კლუბი რუსთავის" შესახებ, თანამშრომლების მიმართ კრედიტორულ დავალიანებებთან დაკავშირებით.
 - 2.1.3 ანგარიში საქართველოს ფეხბურთის ფედერაციას შპს "საფეხბურთო კლუბი რუსთავის" შესახებ, ტრანსფერების განხორციელების შედეგად წარმოქნილ გადასახადებთან დაკავშირებით.
 - 2.1.4 ანგარიში საქართველოს ფეხბურთის ფედერაციას შპს "საფეხბურთო კლუბი რუსთავის" შესახებ, მოსალოდნელ ფინანსურ ინფორმაციასთან დაკავშირებით.
 - 2.1.5 ანგარიში საქართველოს ფეხბურთის ფედერაციას შპს "საფეხბურთო კლუბი რუსთავის" შესახებ, საგადასახადო ორგანოს მიმართ კრედიტორული დავალიანებებთან დაკავშირებით.
 - 2.1.6 01.01.2019 -31.08.2019 პერიოდის ფინანსური ანგარიშის მომზადება, (აუდიტორული მომსახურება), ეროვნული საკლუბო ლიცენზირების სტანდარტების მიხედვით
 - 2.1.7 2019 წლის 1 იანვრიდან 2019 წლის 1 დეკემბრამდე კლუბის მიერ მიღებული (საკუთარი და სპონსორის მიერ ჩარიცხული თანხა) შემოსავლისა და ხარჯის, შემოწმება და დადასტურება

3. ხელშეკრულების ღირებულება

- 3.1 ხელშეკრულების საორიენტაციო ღირებულება შეადგენს 9 263 (ცხრაათას ორასსამოცდასამი) ლარს.
- 3.2 ხელშეკრულების ჯამური ღირებულება მოიცავს საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 დაფინანსების წყარო: 2019 წლის სახელმწიფო ბიუჯეტი (ქვფფ -დან მიღებული თანხა).
- 4.3 მიმწოდებელთან ანგარიშსწორება განხორციელდება, მხარეთა მიერ ხელშეკრულებით გათვალისწინებული მომსახურების გაწევის შემდეგ ხელმოწერილი შესაბამისი მიღება-ჩაბარების აქტისა და საგადასახადო ანგარიშ-ფაქტურის საფუძველზე.
- 4.4 მიმწოდებელთან ანგარიშსწორება განხორციელდება 4.3 პუნქტით გათვალისწინებული დოკუმენტაციის წარმოდგენიდან 10 სამუშაო დღის განმავლობაში.

5. მიღება-ჩაბარების წესი

- 5.1 ხელშეკრულებით ნაკისრი ვალდებულების შესრულების შემდეგ შემსრულებელი დამკვეთს წარუდგენს მიღება-ჩაბარების აქტს.
- 5.2 მომსახურება ჩაითვლება გაწეულად მხოლოდ, შესაბამისი მომსახურების დამადასტურებელი მიღება-ჩაბარების აქტის ხელმოწერის შემდეგ.
- 5.3 დამკვეთის მხრიდან მიღება-ჩაბარების აქტს ხელს აწერს შპს „საფეხბურთო კლუბი რუსთავი“-ს დირექტორი ბადრი მაჭავარიანი, ხოლო შემსრულებლის მხრიდან შპს "ფი-ქეი-ეფ ჯორჯია" -ს დირექტორი.
- 5.4 მიღება-ჩაბარების აქტში მითითებული უნდა იყოს:
 - „შემსრულებლის“ მიერ შესრულებული ვალდებულების დასახელება;
 - „შემსრულებლის“ მიერ შესრულებული ვალდებულების ღირებულება;
 - „შემსრულებლის“ მიერ შესრულებული ვალდებულების აღწერა.

6. მომსახურების გაწევის ვადა

- 6.1 მე-2 მუხლის 2.1.1 – 2.1.5 პუნქტებში მოცემული მომსახურების შესრულება უნდა მოხდეს ხელშეკრულების გაფორმებიდან 2019 წლის 1 ივნისამდე.
მე-2 მუხლის 2.1.6 პუნქტში მოცემული სამუშაოს შესრულება უნდა მოხდეს ხელშეკრულების გაფორმებიდან არაუგვიანეს 2019 წლის 30 სექტემბრისა.
2019 წლის 1 იანვრიდან 2019 წლის 1 დეკემბრამდე კლუბის მიერ მიღებული (საკუთარი და სპონსორის მიერ ჩარიცხული თანხა) შემოსავლისა და ხარჯის, შემოწმება და დადასტურება უნდა მოხდეს 2 ეტაპად 01.01.2019 წლიდან 01.07.2019 წლამდე მოზიდული თანხისა და ხარჯის, შემოწმება და დადასტურება უნდა მოხდეს 2019 წლის 15 ივლისამდე, ხოლო 01.07.2019 წლიდან 01.12.2019 წლამდე მოზიდული თანხის დადასტურება უნდა განხორციელდეს 2019 წლის 15 დეკემბრამდე

7. მხარეთა უფლება-მოვალეობანი

- 7.1 დამკვეთი უფლებამოსილია:
 - ა) ნებისმიერ დროს განახორციელოს შემსრულებლის მიერ ნაკისრი ვალდებულებების შესრულებისა და ხარისხის ინსპექტირება;
- 7.2 დამკვეთი ვალდებულია:
 - ა) უზრუნველყოს შემსრულებლის მიერ შესრულებული ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3 შემსრულებელი უფლებამოსილია მოსთხოვოს დამკვეთს შესრულებული ვალდებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4 შემსრულებელი ვალდებულია:
შეასრულოს ხელშეკრულებით ნაკისრი ვალდებულება სათანადო ხარისხისხით;

8. პირგასამტეხლო ხელშეკრულების პირობების შეუსრულებლობისათვის

- 8.1 ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შესასრულებელი ვალდებულების შესაბამისი ღირებულების 0.02 %-ის ოდენობით ყოველ ვადაგადაცილებულ დღეზე;
- 8.2 იმ შემთხვევაში, თუ დავისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 2 (ორი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;
- 8.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან .

9. ხელშეკრულებაში ცვლილებების შეტანა და ხელშეკრულების შეწყვეტა

- 9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები დამკვეთისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5 მხარე ვალდებულია 9.1. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

- 10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის

შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება მოქმედებს ხელმოწერის თარიღიდან 2020 წლის 31 იანვრის ჩათვლით. ხელშეკრულება შედგენილია ქართულ ენაზე ორ ეგზემპლარად და თითოეულს გააჩნია თანაბარი იურიდიული ძალა.

რეკვიზიტები

“დამკვეთი”	“შემსრულებელი”
შპს „საფეხბურთო კლუბი რუსთავი“ მის: ქ. რუსთავი, მ. კოსტავას გამზირი №20 საიდენტიფიკაციო კოდი №416319718 სს „ლიბერთი ბანკი“ ბ/კ №LBRTGE22 ანგარიშსწორების ანგარიში № GE67LB0113154242748001	შპს "ფი-ქეი-ეფ ჯორჯია" მის: ქ.თბილისი, დ.აღმაშენებლის გამზ. 61 საიდენტიფიკაციო კოდი: № 205198212 სს “თიბისი ბანკი“ ბ/კ №TBCBGE22 ანგარიშსწორების ანგარიში № GE24TB7432736060100004

ბადრი მაჭავარიანი

ალექსანდრე მარგიშვილი